

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Fünff Bücher, Vonn Kriegs Regiment vnd Ordnung, Wie sich ein jeder Kriegszmann inn seinem Ampt vnnd Beuelch halten soll, was zu anfang eines Kriegs zuerwegen vnnd zubetrachten sey, Auch vonn ...

Fronsberger, Leonhardt

[Franckfurt am Main], 1558

VD16 F 3129

Wie der Kriegsyrath besetzt werden sol.

[urn:nbn:de:bsz:31-41862](https://nbn-resolving.org/urn:nbn:de:bsz:31-41862)

Arckelley zubeschirmen vnnnd schützen/darumb müssen drey Regiment bey einander sein/dann Reütter vnnnd Fußknecht sollen one geschütz vnnnd Arckelley nichts/So ist die Arckelley one die andern zwey Regiment auch nichts.

Dieweyl dann alle drey Regiment zusammen gehören/so ist billich/das sie mit einander regieren/rathen vnnnd Kriegsrath beschliessen/mitt einander heben vnnnd legen.

Jetz seind die drey Regiment ein regiment/vnnnd haben einen General Obersten/der vber die drey regiment Oberster Feldhauptman ist/auf beuelch des Kriegsherrn/wa er selbs eygner Person nit zugegen ist.

Wie der Kriegsrath besetzt werden sol.

Es slich gehören zu dem Obersten Feldhauptman im Rath/der Feldmarschalck/der Oberst Zeugmeyster/vnnnd der Fußknecht Oberster/zü denelbigen vnnnd mitt ihrem Rath/mag der General Oberst zu ihme im Rath erkiesen/die berümptesten/erfarnesten vnnnd achtparsten von den Hauptleütten der Reysigen vnnnd Fußknecht/sampt den Beuelchs leütten der hohen ämpter/Doch ist gut wa möglich/das man sich gleicher anzal der Reysigen vnd Fußknecht im Rath befließ/damit kein parthey die ander verdennen möge/das die anschleg gemacht werden/nach gefallen der ander parthey/vnnnd ist sich in allweg zuhüten/das nit vnwillen vnder den Regimenten oder Secten des Kriegsvolcks entstehe.

Dis

